



REPUBLIKA E SHQIPËRISË  
MINISTRIA E DREJTËSISË  
MINISTRI

Nr. 6577 Prot.

Tiranë, më 16/12/2022

**URDHËR**

Nr. 673 datë 16/12/2022

**“PËR NGRITJEN E KOMISIONIT PËR MARRJEN NË DORËZIM TË  
REGJISTRAVE, AKTEVE NOTERIALE DHE VULËS TË TË NDJERIT ISH NOTERIT  
ALI TURKU”**

Në mbështetje të nenit 102, pika 4 të Kushtetutës së Republikës së Shqipërisë, nenit 7, pika 2, të ligjit nr.8678, datë 14.05.2001 “Për organizimin dhe funksionimin e Ministrisë së Drejtësisë”, i ndryshuar, nenit 72, pika 1 dhe 3, të ligjit nr. 110/2018, datë 20.12.2018, “Për noterinë”, i ndryshuar si dhe Urdhrit nr. 168 datë 10.06.2020 “Për evidentimin dhe marrjen në dorëzim të arkivave të pa dorëzuara ndër vite”,

**KONSTATOJ:**

Përmes emailit të administruar nga Ministria e Drejtësisë me datë 13.12.2022, Dega Vendore e Noterisë Durrës ka vënë në dijeni për ndarjen nga jeta të noterit, z Ali Turku, duke dërguar certifikatën e vdekjes (nga akti nr. 179, datë 03.11.2009), sipas së cilës vërtetohet se ish noteri i ndjeri Ali Turku ka ndërruar jetë, më datë 11.10.2009.

Në këto kushte, lind nevoja për ngritjen e një komisioni për marrjen në dorëzim të regjistrave dhe akteve noteriale të ish noterit Ali Turku, me qëllim mbarëvajtjen e punës dhe mospengimin e shtetasve për pajisjen me akte noteriale të cilat ndodhen në arkivën e ish noterit, si dhe asgjесimin e vulës së thatë dhe të njomë të ish-noterit.

**PËR KËTO ARSYE:**

Në mbështetje të nenit 6, pika 18/1 të ligjit nr. 8678, datë 14.05.2001 “Për organizimin dhe funksionimin e Ministrisë së Drejtësisë”, i ndryshuar, të nenit 72, pika 1, të Ligjit nr. 110/2018 “Për noterinë”, i ndryshuar; si dhe pikës “3” dhe “7”, të Urdhrit nr. 167, datë 10.06.2020, të Ministrit të Drejtësisë, “Për marrjen në dorëzim të akteve noteriale, regjistrave dhe vulave të noterit”,

## URDHËROJ:

1. Ngritjen e komisionit për marrjen në dorëzim të arkivës noteriale të ish noterit Ali Turku, i përbërë nga anëtarët e mëposhtëm:
  - a) Znj. Matilda Hoxha, Sektori i Monitorimit të Veprimtarisë Noteriale;
  - b) Z. Andi Përmeti, Sektori i Monitorimit të Veprimtarisë Noteriale;
  - c) Znj. Albana Hoti, përfaqësues i Dhomës Kombëtare të Noterisë;
  - c) Znj. Edlira Nishani, anëtar i Dhomës Vendore të Noterisë Durrës.
2. Nxjerrjen jashtë përdorimit të vulave respektive, vulës së thatë dhe vulës së njomë, të të ndjerit ish noterit Ali Turku.
3. Arkiva merret në dorëzim me procesverbal dhe në bashkëpunim me Dhomën Kombëtare të Noterisë dhe Degën Vendore të Noterisë Durrës.
4. Arkiva t'i jepet në ruajtje dhe administrim, brenda një afati 60 ditor, noteres, së Degës Vendore të Noterisë Durrës, znj. Aida Spahiu, pas verifikimit nga ana e anëtarëve të komisionit të marrjes në dorëzim të arkivit, se noterja plotëson kushtet teknike për mirëmbajtjen e dokumenteve të arkivit dhe kryerjen sa më të shpejtë e cilësor të shërbimit ndaj të interesuarve për lëshimin e kopjeve dhe shkurtimin e akteve.
5. Gjatë marrjes në dorëzim të arkivit, Komisioni i Dorëzimit të Arkivit të verifikojë përputhshmërinë e të gjithë dokumentacionit dhe akteve noteriale që përmban arkiva me veprimet e reflektuara në regjistrat noterialë, si dhe të evidentojë çdo mungesë dhe çdo dëmtim të dokumenteve arkivorë, nëse ka të tilla.
6. Ngarkohet Drejtoria e Përgjithshme Rregullatore e Çështjeve të Drejtësisë, Drejtoria e Monitorimit të Profesioneve të Lira në Ministrinë e Drejtësisë, të marri masat e nevojshme për zbatimin dhe njoftimin e këtij urdhri personave përgjegjës.
7. Ngarkohet Drejtoria e Përgjithshme Ekonomike dhe Shërbimeve Mbështetëse dhe Sektori Arkiv – Protokollit të kryejë veprimet e nevojshme për të mbështetur kryerjen dhe marrjen në dorëzim të arkivit, për njoftimin e këtij urdhri personave përgjegjës dhe Dhomës Kombëtare të Noterisë.
8. Ngarkohet Drejtoria TIK, në Ministrinë e Drejtësisë dhe Drejtoria e Përgjithshme Rregullatore e Çështjeve të Drejtësisë, për kthimin në statusin inaktiv nga Regjistri Noterial Shqiptar (RNSH), të ish noterit, të ndjerit Ali Turku.

9. Ngarkohet Dhoma Kombëtare e Noterisë, për kthimin në statusin inaktiv të ish noterit, të ndjerit Ali Turku, në Sistemi Elektronik të Dhomës Kombëtare të Noterisë (në vijim, sistemi elektronik i Dhomës), në përputhje me parashikimet e legjislacionit në fuqi që rregullon organizimin dhe funksionimin e regjistrit elektronik publik përkatës.

Ky urdhër hyn në fuqi menjëherë.

**MINISTRI**



**Ulsi Manja**

